

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/33, 20.04.2021թ.

Բողոք բերող անձ՝ «ՌԱՖԷԼԳՐԻԳ» ՓԲԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ԲՄԱՊՁԲ-21/12» բաց մրցույթ

Գնման առարկան վերելակների (տեղադրումով և սպասարկմամբ) ձեռքբերում

Բողոքի պահանջը՝ պարտավորեցնել Երևանի քաղաքապետարանի կարիքների համար «Երևան համայնքի բազմաբնակարան շենքերի վերելակների (տեղադրումով և սպասարկմամբ) ձեռքբերման նպատակով հայտարարված «ԵՔ-ԲՄԱՊՁԲ-21/12» ծածկագրով բաց մրցույթի գնահատող հանձնաժողովին ընդունել որոշում «ԵՔ-ԲՄԱՊՁԲ-21/12» ծածկագրով ընթացակարգը չկայացած հայտարարելու վերաբերյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



N52

19.04.2021թ

ՀՀ ԳՆՈՒՄՆԵՐԻ ՀԵՏ ԿԱՊՎԱՏ
ԲՈՂՈՔՆԵՐ ՔՆՆՈՂ ԱՆՁԻՆ
Հասցե՝ ՀՀ, ք. Երևան, Մելիք Աղայան 1,
ՀՀ ֆինանսների նախարարություն

Բողոք բերող անձ՝ «ՌԱՑԵԼԳՐԻԳ» ՓԲԸ
Հասցե՝ ՀՀ, ք. Եղեգնաձոր, Շահումյան 20
Հեռ՝ (+374) 077274256
Էլ. հասցե՝ avetyanlev@gmail.com

Պատվիրատու՝ Երևանի քաղաքապետարան
Հասցե՝ ՀՀ, ք. Երևան, Արգիշտիի 1

Գնման ընթացակարգի ծածկագիրը և առարկան՝
«Երևանի քաղաքապետարան»-ի կարիքների համար՝ «Երևան համայնքի
բազմաբնակարան շենքերի վերելակների (տեղադրումով և սպասարկումով)» ձեռքբերման
նպատակով
հայտարարված ԵՔ-ԲՄԱՊՁԲ-21/12 ծածկագրով բաց մրցույթ

Բողոք

• **Գործի հակիրճ նկարագրությունը և բողոքի փաստերը.**

«Երևանի քաղաքապետարան»-ի կարիքների համար՝ «Երևան համայնքի
բազմաբնակարան շենքերի վերելակների (տեղադրումով և սպասարկումով)»
ձեռքբերման նպատակով հայտարարվել է ԵՔ-ԲՄԱՊՁԲ-21/12 ծածկագրով բաց
մրցույթ (այսուհետև նաև Ընթացակարգ):

Ընթացակարգի հրավերը www.gnumner.am պաշտոնական տեղեկագրում
հրապարակվել է 10.03.2021թ., ժամը 08:39:

Ընթացակարգով հայտերի բացման վերջնաժամկետ է սահմանվել հրավերի
վերաբերյալ հայտարարության հրապարակման օրվանից հաշված 41-րդ օրը ժամը

11:00-ը, այն է՝ **20.04.2021թ. ժամը 11:00** (ըստ www.gnumner.am՝ հրապարակված է 2021-03-10 08:39:00-ից մինչև 2021-04-20 11:00:00 ժամը ներառյալ):

Ընթացակարգի հրավերի 3.1 կետի համաձայն՝ Օրենքի 29-րդ հոդվածի համաձայն՝ մասնակիցն իրավունք ունի պատվիրատուից պահանջել հրավերի պարզաբանում: **Մասնակիցն իրավունք ունի հայտերի ներկայացման վերջնաժամկետը լրանալուց առնվազն հինգ օրացուցային օր առաջ համակարգի միջոցով հանձնաժողովից պահանջելու հրավերի պարզաբանում:** Հանձնաժողովը հարցումը կատարած մասնակցին պարզաբանումը տրամադրում է համակարգի միջոցով՝ հարցումը ստանալու օրվան հաջորդող երկու օրացուցային օրվա ընթացքում:

Ընթացակարգի հրավերի 3.2 կետի համաձայն՝ հարցման և պարզաբանումների բովանդակության մասին հայտարարությունը պարզաբանումը տրամադրելու օրը հրապարակվում է համակարգում և www.procurement.am հասցեով գործող տեղեկագրի (այսուհետ՝ տեղեկագիր) «Գնումների հայտարարություններ» բաժնի «Հրավերների պարզաբանումների վերաբերյալ հայտարարություններ» ենթաբաբաժնում՝ առանց նշելու հարցումը կատարած մասնակցի տվյալները:

Ընթացակարգի հրավերի 3.3-րդ կետի համաձայն՝ **պարզաբանում չի տրամադրվում, եթե հարցումը կատարվել է սույն բաժնով սահմանված ժամկետի խախտմամբ,** ինչպես նաև, եթե հարցումը դուրս է սույն հրավերի բովանդակության շրջանակից կամ եթե հարցումը վերաբերում է վերջինիս կողմից առաջարկվելիք ապրանքների տեխնիկական բնութագրերի՝ սույն հրավերով նախատեսված տեխնիկական բնութագրերին համարժեքության համապատասխանությանը: Ընդ որում, մասնակիցը գրավոր ծանուցվում է պարզաբանում չտրամադրելու հիմքերի մասին՝ հարցումը ստանալու օրվան հաջորդող երկու օրացուցային օրվա ընթացքում:

Ընթացակարգի հրավերով սահմանվել է հետևյալ տեխնիկական բնութագիրը.

Վերելակների ձեռքբերում (տեղադրումով և սպասարկումով) Ալվան, Նոր Նորք, Քանաքեռ-Զեյթուն, Մալաթիա-Սեբաստիա, Կենտրոն, Էրեբունի, Շենգավիթ, Աջափնյակ և Դավթաշեն վարչական շրջանների:

Վերելակ վերին մեքենայական սրահով

Տիպը մարդատար

Դռների բացվածքը 700-800 մմ նախատեսված սահմանափակ շարժունակությամբ անձանց համար

ա) ըստ չափագրման կարող է լինել 800մմ-ից ավելին

բ) 800մմ-ից պակաս չափերի դեպքում պատվիրատուի և պետական լիազորված մարմինների հետ համատեղ իրականացնել չափագրում: Դռների բացվածքը կախված է հորանի չափերից:

Դռների բարձրություն 2000 մմ

Գլխավոր էլեկտրոշարժիչը VVVF համակարգ

Արագությունը 1մ/վ

Հարկերի դրները մետաղյա, փոշեներկված

Կանչի ապարատ մետաղական, կոճակները հակավանդալ, լույսով

Հարկային ցուցիչ /բոլոր հարկերում/ լուսային

Էլեկտրոնային կառավարման

Վահանակը

Պետք է ունենա տեղեկատվության փոխանցման հանգույց, որը կունենա հետագայում սվյալների փոխանցման մոդուլ տեղադրելու հնարավորություն

Վերելակի խցիկը

Պատերը և դռները մետաղյա, փոշեներկված, խցիկը և հարկային դռները ներկված միևնույն գույնով (բաց մոխրագույն)

Իրամանի վահանակը չժանգոտող մետաղից, կանչի կոճակների հասանելիությունը հատակից /900-1200մմ/ նախատեսված սահմանափակ կարողությամբ անձանց համար

կոճակները մետաղական, հակավանդալ, լույսով, սահմանափակ տեսողությամբ անձանց համար /Բրայլի շրիֆտ/

հարկային ցուցիչ ձայնային ազդանշանով

հատակը տարկետ

Պետք է ունենա

- հայելի

- բռնակ չժանգոտվող մետաղից

- Ֆոտովարագույր,

- խցիկի դռների VVVF համակարգ,

- լեդ լուսավորություն

- օդափոխության համակարգ

- ուղևորների տարհանման համակարգ՝ ներառյալ վերելակի հոսանքի մատակարարման սնման աղբյուրից անջատման դեպքում վերելակի սահուն կանգառի և ուղևորների տարհանման ապահովման /վերն կամ ներքև/ նպատակով լրացուցիչ հոսանքի սնման սարքի տեղադրում

- խցիկի ծանրաբեռնվածության խոսակցական հաղորդիչ հայերեն լեզվով

- վերելակից օգտվելու կանոնները հայերեն լեզվով

- նշում արտադրման տարեթվի մասին:

• **Բողոքի իրավական հիմքերը և հիմնավորումները.**

«Գնումների մասին» ՀՀ օրենքի (այսուհետև նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով **մասնակիցների շրջանակի ընդլայնում և նրանց միջև մրցակցության խրախուսում:**

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, **ունի գնման գործընթացին մասնակցելու հավասար իրավունք:**

Օրենքի 29-րդ հոդվածի համաձայն՝

1. Մասնակիցն իրավունք ունի հայտերի ներկայացման վերջնաժամկետը լրանալուց **առնվազն հինգ օրացուցային օր առաջ** գրավոր պահանջելու հրավերի պարզաբանում: Հարցումը կատարած մասնակցին պարզաբանումը տրամադրվում է գրավոր՝ հարցումն ստանալու օրվան հաջորդող երկու օրացուցային օրվա ընթացքում:

2. Հարցման և պարզաբանումների բովանդակության մասին հայտարարությունը հրապարակվում է տեղեկագրում՝ հարցումը կատարած մասնակցին պարզաբանումը տրամադրելու օրը, առանց նշելու հարցումը կատարած մասնակցի տվյալները, իսկ փակ մրցույթի դեպքում հարցման և պարզաբանումների բովանդակության մասին պարզաբանումը տրամադրվում է հրավեր ստացած մասնակիցներին:

3. Պարզաբանում չի տրամադրվում, **եթե հարցումը կատարվել է սույն հոդվածով սահմանված ժամկետի խախտմամբ**, ինչպես նաև, եթե հարցումը դուրս է հրավերի բովանդակության շրջանակից: Ընդ որում, մասնակիցը գրավոր ծանուցվում է պարզաբանում չտրամադրելու հիմքերի մասին՝ հարցումը ստանալու օրվան հաջորդող երկու օրացուցային օրվա ընթացքում:

Ընթացակարգի հրավերի 3.1 կետի համաձայն՝ **մասնակիցն իրավունք ունի հայտերի ներկայացման վերջնաժամկետը լրանալուց առնվազն հինգ օրացուցային օր առաջ համակարգի միջոցով հանձնաժողովից պահանջելու հրավերի պարզաբանում:**

Ընթացակարգի հրավերի 3.3-րդ կետի համաձայն՝ **պարզաբանում չի տրամադրվում, եթե հարցումը կատարվել է սույն բաժնով սահմանված ժամկետի խախտմամբ...**:

Բողոքներ քննող անձին խնդրում ենք նկատի ունենալ հետևյալ կարևոր փաստերը.

Նախ և առաջ.

«ՌԱՖԷԼԳԻԳ» ՓԲԸ-ն գնահատող հանձնաժողովին է ներկայացրել Ընթացակարգի տեխնիկական բնութագրի մասով պարզաբանում, որի վերաբերյալ ստացել ենք որոշ հարցադրումների վերաբերյալ պարզաբանումներ, սակայն որոշ հանգամանքներ այդպես էլ մնացել են անհասկանալի և ոչ լիարժեք:

«Գնումների մասին» ՀՀ օրենքի 13-րդ հոդվածի համաձայն՝

1. *Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը:* Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական եշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների **հստակ նկարագրությունը**՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

Բողոքներ քննող անձի ուշադրությունը հրավիրում ենք այն հանգամանքի վրա, որ Ընթացակարգի հրավերի տեխնիկական բնութագիրը կազմվել է Օրենքի 13-րդ հոդվածի պահանջների խախտմամբ, մասնավորապես,

- Լիֆտերի վերաբերյալ ոչ մի առանցքային տվյալ դրված չէ, բացի հարկից և կանգառների թվից, այնինքն պետք է լինեն լիֆտերի համար բազմաթիվ լրացուցիչ պարամետրեր (լրացուցիչ հիմնավորումներ կներկայացվեն նիստի ժամանակ):

- Հստակ նշված չէ դռների բացվածքը, մասնավորապես, տեխնիկական բնութագրով նշված է, որ դռների բացվածքը 700-800 մմ պետք է լինի, յուրաքանչյուր դեպքում լայնությունը համաձայնեցրած պատվիրատուի հետ: Սակայն կախված բացվածքի լայնությունից՝ փոխվում է լիֆտը գինը, ուստի նման պայմաններում չիմանալով վերջնական լիֆտի դռների բացվածքի ինչ թվի մասին է խոսքը գնում, հնարավոր չէ հաշվարկել գնային առաջարկ:

Վերոհիշյալ փաստերը վկայում են, որ Երևանի քաղաքապետարանի կարիքների համար «Երևան համայնքի բազմաբնակարան շենքերի վերելակների (տեղադրումով և սպասարկումով)» ձեռքբերման նպատակով հայտարարված ԵՔ-ԲՄԱՊՁԲ-21/12 ծածկագրով բաց մրցույթի գնահատող հանձնաժողովը Հնթացակարգի հրավերը կազմել է Օրենքի 13-րդ հոդվածի պահանջների խախտմամբ, ինչն էլ իր հերթին հանգեցնելու է Օրենքի 3-րդ հոդվածի 2-րդ մասի 2-րդ կետով սահմանված մասնակիցների շրջանակի ընդլայնման և նրանց միջև մրցակցության խրախուսման սկզբունքի խախտմանը, ինչպես նաև գրկել մասնակիցներին Օրենքի 7-րդ հոդվածի 1-ին մասով երաշխավորված գնման գործընթացին մասնակցելու իրավունքի արդյունավետ իրականացման հնարավորությունից:

«Գնումների մասին» ՀՀ օրենքի 50-րդ հոդվածի 2-րդ մասի 2-րդ կետի համաձայն՝ եթե բողոքը ներկայացրած անձը բողոքարկում է գնման առարկայի բնութագրերը, նախատրակավորման հայտարարության կամ հրավերի պահանջները, ապա բողոքը ներկայացվում է մինչև հայտերի ներկայացման վերջնաժամկետը:

Նույն հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, **ներառյալ՝ չկայացած հայտարարելու գնման ընթացակարգը**, բացառությամբ պայմանագիրը անվավեր ճանաչելու մասին որոշման...:

Ելնելով վերոգրյալից ՀՀ գնումների հետ կապված բողոքներ քննող անձին

ՆԱԴՈՒՄ ԵՄ՝

Պարտավորեցնել Երևանի քաղաքապետարանի կարիքների համար «Երևան համայնքի բազմաբնակարան շենքերի վերելակների (տեղադրումով և սպասարկումով)» ձեռքբերման նպատակով հայտարարված ԵՔ-ԲՄԱՊՁԲ-21/12 ծածկագրով բաց մրցույթի գնահատող հանձնաժողովին ընդունել որոշում ԵՔ-ԲՄԱՊՁԲ-21/12 ծածկագրով ընթացակարգը չկայացած հայտարարելու վերաբերյալ:

Առդիր՝ 14 թերթ:

Հարգանքով՝

«ՌԱՅԷԼԳԻԴ» ՓԲԸ-ի տնօրեն՝

